

მერაბ ძნელაძე 75 წლისაა

დაბადებიდან 75 წელი შეუსრულდა საქართველოს ტექნიკური უნივერსიტეტის არქეოლოგიისა და საქართველოს ისტორიის დეპარტამენტის პროფესორს, ცნობილ მეცნიერს, არქეოლოგს მერაბ ძნელაძეს.

მერაბ ძნელაძე საზოგადოებრივი და პროფესიული მოღვაწეობის დიდად საინტერესო და ნაყოფიერი გზა განვლო. მან შეძლო თავისი სიტყვის თქმართულ საპასუხისმგებლო და საინტერესო სფეროში, როგორცაა არქეოლოგია - ზეისტორიულ ეპოქათა მატერიალური სიმდიდრის - კულტურის ძეგლების გამოვლენის, აღწერა-დახასიათებისა თუ რეზონანსულობის დადგენა. თუმცა მ. ძნელაძის მეცნიერული მოღვაწეობა მხოლოდ ამგვარი „პრაქტიკული“ არქეოლოგიით არ შემოიფარგლება. ერთია მიღწევა მეცნიერებაში - ახალი ცოდნის შექმნა და მეორე (და არანაკლებ მნიშვნელოვანი!) ამ ახალი ცოდნის სხვათა ცოდნად ქცევის ნიჭი და უნარი.

მ. ძნელაძე ამ მხრივაც გამორჩეულია. იგი ქვეყნის მოძღვარია - პროფესიონალი, რომელიც მხოლოდ უშურველად კი არ გადასცემს სტუდენტებს ცოდნას, არამედ მათი პრაქტიკულ არქეოლოგიურ სამუშაოებში ჩართულობით აზიარებს არქეოლოგიის საფუძვლებს და ზრდის არქეოლოგების მომავალ თაობებს.

პროფესორი მერაბ ძნელაძე ქუთაისში დაიბადა 1951 წლის 18 აპრილს. დაასრულა თბილისის ივ. ჯავახიშვილის სახელმწიფო უნივერსიტეტის ისტორიის ფაკულტეტი; 1970-1972 წლებში მოიხადა სამხედრო სავალდებულო სამსახური.

1975-2006 წლებში მუშაობდა საქართველოს მეცნიერებათა აკადემიის არქეოლოგიური ცენტრის უფროსი მეცნიერი თანამშრომლის თანამდებობაზე, ხოლო 1992-2002 წწ. იყო ისტორიისა და კულტურის ძეგლთა დაცვის მთავარი სამმართველოს სამეცნიერო განყოფილების გამგე.

მისი ინიციატივითა და თაოსნობით 1998 წელს შეიქმნა ექვთიმე თაყაიშვილის სახ. გურიის მხარის მუზეუმ-ნაკრძალი, რომლის დირექტორიც 1998-2002 წლებში თავად ბრძანდებოდა.

2016 წლიდან დღემდე არის საქართველოს ტექნიკური უნივერსიტეტის არქეოლოგიისა და საქართველოს ისტორიის დეპარტამენტის პროფესორი, ხოლო 2006 წლიდან დღემდე - საქართველოს ეროვნული მუზეუმის, ოთარ ლორთქიფანიძის სახ. არქეოლოგიის ცენტრის უფროსი მეცნიერი თანამშრომელი.

განსაკუთრებით დიდია მ. ძნელაძის დამსახურება კულტურული მემკვიდრეობის ძეგლების შესწავლაში. მისი ხელმძღვანელობით იმდენი ძეგლია შესწავლილი თბილისის ძველ ისტორიულ უბნებში (20-ზე მეტი ძეგლი) თუ საქართველოს სხვადასხვა კუთხეებში, რომ მათი სტატისტიკური აღწუსხვაც კი შორს წავიყვანდა.

პროფ. მ. ძნელაძე აქტიურად მონაწილეობს საქა-



რთველოს სხვადასხვა კუთხეებში ეკლესიების გათხრებსა და შესწავლაში. აღსანიშნავია 2023 წელს თურქეთში მონყობილი არქეოლოგიური ექსპედიციის დროს მოპოვებული არტეფაქტები, როგორც ქართული კულტურის დიდი ტრადიციების მაუწყებელი ძეგლები.

პროფ. მ. ძნელაძე აქტიურ პედაგოგიურ მოღვაწეობას ეწეოდა ასევე თბილისის, ბათუმისა და ოზურგეთის უმაღლეს სასწავლებლებში. იგი აქტიურად მონაწილეობს ადგილობრივ და საერთაშორისო სამეცნიერო ფორუმების მუშაობაში, კულტურული მემკვიდრეობის დაცვის სხვადასხვა პროექტებსა და ტენდერებში.

პროფ. მ. ძნელაძეს გამოქვეყნებული აქვს 20 მონოგრაფია, ასზე მეტი სამეცნიერო ნაშრომი და პუბლიცისტური წერილები. მომზადებული აქვს საექსპერტო დასკვნები ნავთობისა და გაზსადენებისათვის, ელექტროფიკაციის, გზებისა და მაგისტრალების, წყალსადენებისა და სხვადასხვა მშენებლობებისათვის გამოყოფილ ტერიტორიებზე.

პროფ. მ. ძნელაძის დამსახურება ქართული არქეოლოგიის განვითარებაში სათანადოდ არის დაფასებული. იგი დაჯილდოებულია „ღირსების ორდენით“, „სახალხო განათლების“ სამკერდე ნიშნით, სტუ-ს აკადემიური საბჭოს „საპატიო დიპლომით“. დაბადების 75 წლისთავთან დაკავშირებით კი დაჯილდოვდა საქართველოს ტექნიკური უნივერსიტეტის ოქროს მედლით.

გულითადად ვულოცავთ პროფ. მ. ძნელაძეს სახელოვანი იუბილეს - დაბადების 75 წლისთავს და ვუსურვებთ ბედნიერებას პირად ცხოვრებაში და ახალ-ახალ წარმატებებს პროფესიულ საქმიანობაში.

სოციალურ მეცნიერებათა ფაკულტეტი
ჟურნალ „ბიზნეს-ინჟინერინგის“
სარედაქციო კოლეგია